

Headline	PKPITNB bantu ringankan beban mangsa kebakaran		
MediaTitle	Sinar Harian (Kelantan)		
Date	17 Mar 2017	Language	Malay
Circulation	160,000	Readership	509,000
Section	News	Page No	48
ArticleSize	140 cm ²	Journalist	N/A
PR Value	RM 3,330		



PKPI TNB bantu ringankan beban mangsa kebakaran

TANAH MERAH - Nasib malang mangsa kebakaran di Kampung Cherang Lali, Batu Hitam, dekat sini, akhir Februari lalu, mendapat perhatian Persatuan Kebajikan Pekerja Islam (PKPI), Tenaga Nasional Berhad (TNB) daerah ini.

Yang Dipertuanya, Mohd Aman Ariffin berkata, sumbangan berupa kewangan, pakaian dan peralatan sekolah itu sebagai tanda prihatin pihaknya dalam membantu meringankan beban mangsa.

Kata beliau, pihaknya berasa terpanggil untuk membantu keluarga itu yang dilaporkan tinggalkan sehelai sepinggang dan hilang rumah kediaman akibat

kejadian tersebut.

"Diharap sumbangan kami ini sedikit sebanyak dapat membantu keluarga mangsa di samping bantuan lain daripada agensi kerajaan dan pemimpin setempat," katanya.

Sumbangan disampaikan Mohd Aman kepada ketua keluarga berkenaan, Jasura Nak Man, 45, dalam majlis ringkas berhampiran lokasi kejadian, semalam.

Dalam kejadian kira-kira jam 6.45 petang, 27 Februari lalu, rumah didiami Jasura bersama isteri dan lima anak mereka termasuk seorang orang kurang upaya (OKU) musnah terbakar.



Mohd Aman (kanan) menyampaikan sumbangan PKPI TNB kepada Jasura di Kampung Cherang Lali, dekat Batu Hitam.